



荆溪疏序

積學齋徐乃昌感書

叙事之書曰志曰記曰注曰疏皆古之  
沿也而注與疏最爲爾雅後世以爲近  
於訓詁廢而不稱注猶有稱而不自知  
者起居注是也而疏之名乃以屬人臣  
有所論奏甚至爲緇流作儷語募財亦  
得名之凡遊覽名山大川及經行絕域  
土風旅况總名之曰記而疏無稱焉自



柳子厚永州諸記工爲形似瓌麗之語以標澄潭窅徑而世人皆慕好之所繇殆與漢晉間人就事紀實澹辭雅訓漸以離矣浸淫迄宋史筆化爲宗旨實事去爲虛譚名記耳乃不知有記夫安知有注與疏乎文之失裁莫斯爲甚王子曰余始讀張羽王氏西遷注而手不忍釋以爲大雅復作及再得百穀子所爲荆溪疏而讀之則益欣欣然謂

明興復古庶幾文盛於斯云夫荆溪陽羨諸山海內所稱異境不佞蓋兩目飽焉而思欲吐一言以紀其勝恐以爲無當於作者而止百穀子之才故長於摸寫領會又雅善韻語灑灑清新之句其於烟景文章業已不讓子厚若乃據事分疏典雅故實高識遠韻則盛弘之酈道



元之儔也異日有如楊子雲載筆而問  
方言左太冲徵事而賦三都取材是編  
豈淺鮮哉然則不佞兩游無述可也因  
不辭而爲之序因以寄游意焉

萬曆甲申孟冬十月澹圃主人王世懋  
撰

荆溪疏目錄

卷上

疏

游荆溪疏

卷下

詩

重游荆溪

附荆溪道中逢徐大受黃清父



荆溪集  
目錄  
上巳日荆溪道中

河橋雨泊

贈陸山人移家荆溪

陸元德門外望銅官積雪

周孝侯廟

贈吳宮詹生第二子

附吳宮詹園亭看牡丹觀妓

送吳惟範北上

入荆溪不謁萬宗伯先生伏承垂

問敬上此作

與諸君汎西泚

重游蜀山

與吳幼元重游張公洞

張公洞觀僊蛻二首

汎湖泚

金沙寺杭中丞祠堂



荆溪路  
目錄  
寄公房

游張公洞夢中得二句遂足成之  
玉女潭二首

瓊樹

龍湫

天窟洞史公立吾新開

連珠洞

一綫天

荆溪山中與吳幼元感舊作

附花朝荆溪對雨懷吳幼元

與杭子湘並舟泛荆溪

山中同游貽萬承夫

祝陵逢史戶部俄而別去

泊舟善卷聽新澗

善卷寺

往歲約恩公游善卷未果睽焉有



懷因寄

附同恩公游善卷阻雨不克

善卷洞雨中作

附善卷洞寄吳京兆二首

善卷對雨懷謝仲毓

雨中望國山封禪碑

三生堂

善卷寺雷書歌

荆溪疏卷上

太原 王穉登 著

疏

游荆溪疏

余以萬曆癸未二月廿又四日過毘陵訪吳幼元萬承夫先在請爲荆溪之游承夫家荆溪幼元姨之子也與幼元固要余而西意良厚余重拂其倦倦遂以廿七日冒



雨放舟出毘陵西門泊吳子知南河莊子  
知載酒至同集者盛原濟吳章叔杜玄慶  
趙直卿幼元之子雅言入夜皆別去玄慶  
有事荆溪請偕行廿八日雨止早發抵河  
橋漸暝承夫捺單舸先行倩關吏無下歲  
蕤之鑰而後余及幼元舟並得入城泊東  
門是夜萬子寅杭子湘來訪廿九日早起  
陸山人元德吳宮詹惟允吳太學惟軌先

後偕來朝饗罷訪子寅又子子寅仲父宗  
伯公都門舊游也請見以單綬辭又訪子  
湘惟允惟軌最後訪陸山人登周孝侯墓  
望銅官積雪午後子寅携酒幼元舟中觴  
余及玄慶東汶之澣是夜泊宜興二十日  
枕上聞鏡吹幼元先入蜀山余及玄慶飯  
宮詹家出城訪吳光祿  
游鸚鵡園請  
記許之覓蜀山路茫然彷徨道左有呼於



水涯者乃承夫治游具將追幼元遂別玄  
慶與俱行暮及之蜀山夜泊閏月朔日天  
霽游興大發幾欲奮飛自蜀山至湖汶日  
中旻幼元亟問張公洞路會金沙寺僧寄  
公來迎不俟買輿疾走入金沙啜茗而出  
至洞由前門入余將謁補陀大士以是日  
齋戒絕去葷酒僅噉蔗而已諸君飲微醺  
出閭僧言洞後有屍解異人視日崦嵫矣  
幼元氣甚銳鼓行而前匍匐入視之旣出  
汗如沐夜泊湖汶是日子寅祭家廟不至  
初二日游玉女潭史金吾請告歸疏泉架  
壑爲樓觀極宏麗飯瓊玉軒看瓊樹去游  
天窟連珠龍湫一綫天皆洞也惟一綫天  
最奇間道走金沙路中見虎蹟輿夫盡怖  
幼元命舉砲震山谷然聞山人言防虎實  
不宜砲虎驚則跳而啞人旣入寺輿夫指



所從間道者虎穴也不寒而栗坐寄公房  
禮故講師珂公墓幼元許爲造塔余作銘  
湯沐罷然後奏笳鼓入舟觀者如堵放舟  
宿湖汶初三日南風勁余及子湘聯舟絙  
束之並行艤松下望幼元舟不至至則折  
艣不能操召工斷之然後抵北門外宿子  
寅來初四日驟熱日昏無光疑有雨今歲  
天文不異仲春之初雷電雨雪並日而作

自正月至今未嘗連三日見日天幾漏矣  
而余與幼元入荆溪來更六日暮皆晴可  
謂天幸不可婁微相與商略勿游善卷便  
幼元不聽趣解維西行至祝陵雨大作初  
五日史戶部來訪遽別雨中持盖游善卷  
坐水洞亂石中屣屨盡濕幼元命火下窮  
幽宵淖染其裾不顧余與子湘嘖嘖稱豪  
舉哉飲三生堂上憶徃歲與恩公約同游



盟且寒矣爲之悵然未幾子寅之東床徐君遣一廝養來請游龍池從張公躡之不  
得復至此涉險行百里矣勞以卮酒許之  
乃去觀唐殿閣柱上雷書並奇絕惟國山  
圍碑雨不可往盱衡遐矚而已放舟而前  
徐君亦自來邀客列炬如星漏下二十刻  
且聞於菟橫道遂辭徐君宿張渚以明日  
初六乘徐君之車輿馬驟往雨乍晴日光

熹微龍池之雲蔥蘢在目主人張供具甚  
盛不聽客游僅一至響山坂入夜雨復作  
比曉不休相顧興索然如山陰雪下徐君  
之諸父兄弟知客有歸心悉挈酒觴客掩  
關下棧以大白浮幼元盡一斛不醉於是  
莫不稱吳君酒人也徐君送至舟中亦浮  
之而後去初八夜泊宜興東門與子寅子  
湘別承夫子病從道上先馳歸至是復來



別別諸君幾沾裳浮屠不三宿桑下以此  
譙鼓聲急始別幼元幼元意不忍將偕余  
歸余謂諸君今夕歸爲具不得休旦日敬  
候足下足下戀戀僕無意幸臨諸君足下  
猶可僕不畏朝那詛楚耶又久之竟別遣  
蒼頭奴送余初九日至毘陵更三日抵家  
計入荆溪之日屈指踰一旬晴與雨相半  
晴卽游眺雨亡賴則坐舟中看子寅與幼  
元奕子寅寬然長者他喜怒不少見顏色  
惟奕顧獨使氣每楚風不競輒提局擲子  
迸散如走盤幼元愈捧腹矐之君氣愈盛  
甚者自搏頰俄復手談津津忘之矣以是  
知君真長者罰觴及君子湘婁代之時時  
佐君奕欲醉幼元乃兩君每及濡首而幼  
元獨醒以此豪兩君此一平原期頃不知  
腹便便盛麩生幾石也



井溪記 卷一  
未至荆溪三十里曰河橋豈詩人所云酒  
幔青者卽其地與

宜興古陽羨也一名荆溪城外東西二汶  
匯諸溪之流注太湖菰蘆之藪剽掠四出  
稱巖邑焉

汶字字書不載當作九土人以九里計程  
故名

周將軍廟在城中陸平原碑集王右軍書  
不佳其半已泐廟後數丘魁然古木蒼蔚  
登之可望南山或云將軍馬革未還此特  
藏金甲墓也

城中長橋直瞰縣門甃石堅好非孝侯斬  
蛟處斬蛟橋在西汶宋蘇文忠公題梁好  
事者摹刻廟中

銅官山在城南袤五十里山嘗產銅前代  
設官守之志稱天降銅棺葬袁令甚齊諧



蜀山在城東四十五里水環之如崕嶼蘇  
長公買田陽羨時徜徉其中因名蜀志懷  
鄉也今祠堂在山椒鐘簏生青苔矣

蜀山黃黑二土皆可陶陶者穴火負山而  
居纍纍如兔窟以黃土爲胚黑土傳之作  
沽瓴藥壚釜高盤盂敦甑之屬鬻於四方  
利最博近復出一種似均州者復直稍高  
故土價涌貴晦踰三十千高原峻坂半鑿  
爲陂可種魚山木皆童然矣陶者甬東人  
非土著也

蜀山折而南可二十里曰湖汶記得孫尚  
書尺牘中作湖務宋時置務於此權採山  
之利今作汶亦訛字

湖汶山中中市也交瀾而居者百室地多  
虎鹿白晝噬人暴甚一歲中死者幾二千  
指近虎妖也余同吳幼元來游先三日射



殺一虎巡檢藏其皮俟縣官入計還受賞  
格肉作醢售之飼小兒能稀痘

金沙寺在湖汶東南一里唐陸希聲捨宅  
今尚有讀易臺門外綠潭云是玉女泮流  
至此石洞厓淺不可入遶寺竹竿可數萬  
個

寺左有杭中丞祠堂弘正間諸髡嗜酒悉  
賣寺田中丞出錢贖其半歸常住故沒而

俎豆其中

寺中有岳武穆駐師時題壁後爲岳氏子  
孫取去

張公洞去金沙寺三里山如覆釜赤烏間  
霹靂開爲洞洞有前後二門自前門入者  
懸磴而下日射之光明遍一壑磴盡處幽  
黑不可窺拾級而上登一臺從臺上仰睇  
俯矚怪石刺眸莫可摸寫如燃犀照海天



吳紫鳳負波而浮神人異物輸賫獻琛魚  
龍灑灑乍出乍沒見者無不咋指吐舌洞  
中前明後晦自後入者非列炬不可又湏  
側足曲踧踖却行而後能下石怪不當  
前洞十三初至探奇聊堪一偃僂耳憶與  
幼元以嘉靖辛酉來游迄今萬曆癸未凡  
經三朝二十有三載而後能偕幼元再至  
如次律壘中盧生枕上蒼茫恍惚有同隔

世昔爲健犢今成老驥更二十三年余兩  
人當作何狀安得俟河之清耶青髯漸霜  
紅顏易稿不知尚能着屐幾鞞耳

張公一云道陵一云果按曆道陵在前赤  
烏在後雲房丹竈當屬白驪先生

張公洞冬煖夏寒游宜寒月不煩挾纊洞  
乾猶可躡屩夏多浮嵐蝙蝠矢覆地如雪  
垂溜點人衣默承之無迹但言痕宛然在



洞後支徑最幽曲別一小洞近有異人屍  
解凡三易寒暑不朽余與幼元着促裾脫  
帽去屣作蛇行人持一短炬下燭之雖枯  
骸如腊而齒髮皆完好非僊蛻不迨此爲  
作記異時携工來勒之洞壁

去張公二里爲玉女潭故史吏部別墅潭  
深不可窮投絲一絢未及底巖光綠可染  
衣水作碧瑠璣色雲鬟膏沐草木猶香信  
是洗頭盆也

潭上數武爲玉女祠 世皇常遣一尚書  
祝釐於此

瓊樹檉柳也以獨孤常州詩得名臃腫輪  
菌空腹半死枝葉尚扶踈垂藤其上如斗  
近金吾君築墻圍之面以雕楹若檻猿籠  
鳥神理頓盡

天窟洞史金吾新開有兩竇天光下入曠



然若堂皇橫泉出石罅甚細左轉盤旋可  
通行平崖上覆仰視猶承塵

去天窟而近者爲龍湫水綠如玉女潭云  
與潭通下視沉沉不異窺井然可浮舟至  
隔巖亦一靈境

近龍湫者爲連珠洞雙穴如規故名後有  
池石含之如蚌

近連珠者爲君陽洞一綫天有大石梁梁  
下石如砥水遶之可浮杯或病其隘甃稍  
廣大類園池間流觴石令人短氣洞右盡  
處褰裳而涉雙崖劃然不合者僅如綆所  
謂一綫者也兩傍石如羅漢座潺湲界道  
流極駛羽觴隨波客踟蹰承之頃刻盡一  
鷗夷

洞近張公泉近玉女洞非一洞泉非一泉  
曲引傍緣近湫遠注洞洞鈎連泉泉帶繞



或緯勢如錯如斯坤維之妙解水德之靈通乎

西泐五十里至祝陵祝英臺葬地山人業採石斧鑿聲鏗鏗翠微破碎矣

善卷寺去祝陵一里長松夾道今漸少亭跨澗曰涌金入寺門有閣曰圓通古碑離立閣下唐殿制作甚古科斗歲蕤數百重采魚堅樸前榮承塵雕鏤作連錢文使不

穴鼠大中初創建庭中左紐柏一

雷書一在殿左第一柱近猊座者曰射鈞記詩米漢在左第二柱者但有射鈞記右後壁第一柱者但詩米漢皆倒書非籀非隸削之文愈深摹去佩者可辟瘧義不可解或云是雷部神名

三生堂以唐相李蟪宋相綱得名非圓澤事



玉帶橋亦李司空檀施

梁帝禮斗壇在寺右山上尚有遺址

善卷洞作兩層如重屋上爲旱洞渠渠如  
廣廈可羅百胡床石柱一當其門如踞獅  
後壁漸暗可秉炬入中亦宏敞有石床丹  
竈僊人掌玉柱亭亭可二十尺及潭而止  
此通下洞路也

水洞在旱洞下鳴瀑碣磴自前山瀉入亂  
石齒齒水流其間與石鬪聲漉漉可當子  
荆一漱仰視石甚奇不減張公右壁有僊  
人種玉田綴崖數級阡陌宛然石色如雪  
入稍深路乾泉皆狀流亦及潭而止明處  
卽旱洞二洞惟幼元獨窮探余及諸君輸  
一籌矣

後洞與寺左通前洞水所從出也接竹引  
之以供香積秋時海棠千株並着花一壑



皆丹

善卷避堯不知何緣至此或云高僧別一善卷耳

國山在寺左可一里孫吳登封處上有赤烏碑形如國名國碑

張渚去祝陵十五餘里千家之市大倍湖汶可四五茶筍竹木煤炭之利日數百金酒肆屠門比舍如櫛一巡檢守之

凡市之臨水者土人皆稱步湖汶張渚祝陵皆步也

宜興形勢以銅官爲鎮縣當其中負之而居東爲湖汶西爲張渚置尉設邏略如常山之蛇首尾相應昔人建邑立都非苟然也

自張渚而北十里曰長林徐氏所居村巷井列塢深地饒土人富者種竹起家貧者



負薪自給屋皆瓦而不墁塲則白螿蝕之  
令棟易撓

龍池去長林十里在山巔池中蜥蜴能含  
氣出雲神物也有二菴上菴最勝登之震  
澤風帆皆可數然山深多虎游者罕至仁  
友胡原荆最好游尤能濟勝嘗徒步來游  
觀虎鬪大叫以爲奇土人物色之知其柱  
後惠文佐以輿馬不受今原荆骨寒言之  
於邑與幼元約以秋來畢此緣得造奇境  
當携謝眺驚人詩來擊石三踊而弔之

水自龍池下者旱潦不竭可灌田千頃故  
厥田皆上上歲夏秋水大至行者皆濡足  
平時石瀨濺濺與松風竹響互答乍至者  
悠然忘去

響山坂去徐氏一里走茗嶺道也石平如  
棧澗並之聲淙淙過額卽吳興顧渚茶所



從出類因以名

吳幼元名履謙常州人官京兆郎風度甚高有勝情而不善浮湛閭井故有負俗之累近體詩甚工子雅言有鳳毛

趙直鄉名經德常州人篤行君子

吳子知名近道太學生幼元猶子奕奕有致可方阿咸

杜玄慶名善楨余里人也

吳章叔名冠明州人北川學士孫

盛原濟名之楫蘇州人醫名甲吳下俊爽不羣豪士之氣

萬尚書名士和宜興人官大宗伯兩忤權相兩疏請歸清貞簡穆卓然有麟鳳之標里門蕭寂有若寒士子弟相率以醇謹成風人稱萬石君家

子寅名曉故吏部長郎宗伯猶子也直而



能通方而不執當在夷惠之間子承夫名  
德緒今爲諸生清茂朴雅青出於藍

杭子湘名士錡中丞諸孫白眉寔良族之  
翹楚

吳宮詹名馭字惟允荆溪世家以好客聞  
於四方樂義好施能周人之急家有園池  
花木之勝鐘鼎圖書森然武庫弟馳字惟  
範太學生清通醞藉不減嫖騎者乎

陸山人名本仁字元德東洞庭人移家陽  
羨吳氏兄弟爲築室孝侯祠傍詩溫美似  
其人酒德甚善大爲諸君所睽

吳光祿名夢弼字  
宮詹猶子恬澹寡

營泊於聲利爲園自娛據鸚鵡塘之勝余  
記之

史戶部名繼志溧陽人爲郎聲籍甚尤能  
詩



并溪沙路 卷一  
徐君名承芳家長林代本好客客至雖數十人供具無不咄嗟立辦車輿馬騾一一取給至於廝養僕隸皆層酒累肉連數日不倦今其家半毀於客然猶轍迹相尋恩公長于講師也游戲三昧不縛於禪圓通妙解鬱爲宗門梁棟

故御史胡君原荆名淳梁溪人疏斥中貴禍幾不測由此直聲震臺中倜儻不羣千載士也傷哉蚤死以貧故

故講師珂公本北人南游荆溪二三大夫請住持金沙遂卓錫於此說法演教大闡宗風珂化去其徒真壽能嗣衣鉢寺因以興寄有戒律亦能詩

竹菇蕈也小如錢赤如丹砂生以二月山中所在皆有之不獨竹下風味極佳當爲

伊蒲第一



蘭出荆溪者葉柔花弱比閩浙產不同又  
易致龍池銅官之間彌坂盈谷山人杖挑  
籐束筐筥登市每歲正二月之交負而入  
郭者價賤於土人行市中衣袂皆馥夏月  
生者一榦數花名曰蕙

常州府顧塘橋吳宅雲栖館雕本

荆溪疏卷上

荆溪疏卷下

太原 王穉登 著

詩

重游荆溪

荆溪古風土陽羨好山川不遠三百里重  
來廿五年雲中尋洞府花裏下樓船欲買  
芳蘭去清芬莫論錢

附荆溪道中逢徐大受黃清父



千年玉洞和雲覓一葉蘭舟冒雨開聞  
說碧桃花下路漁郎歸後待君來

上巳日荆溪道中

繁花曲水武陵同雞犬雖聞路不通何  
處蘭亭何處酒風風雨雨一舟中

河橋雨泊

陽羨山中雨餘河橋新水浮渠青銅錢買  
濁酒綠竹新炊白魚燕子烏衣未至杏花

紅蕊將舒孤舟寂寂何有短劍寒燈亂書

贈陸山人移家荆溪

孝侯祠下一茅堂零落圖書不滿牀  
鑪畔乍烹陽羨月袖間還憶洞庭霜  
十金蕭瑟中人產五岳飄飄道者裝  
城上銅官青似畫登樓安用賦思鄉

陸元德門外望銅官積雪

晴雪綴峯堯銅官倚次寥青厓渾不露白



日未全消寒入孤城晚光添衆壑朝羨君  
蓬戶裏半月對瓊瑤

周孝侯廟

灌木藏雲霧靈風颯鬼神畫墻丹粉暗石  
殿冕旒新賽社多樵豎焚香半獵人可憐  
苛政猛何以慰疲民

贈吳宮詹生第二子

一自熊羆入夢看青宮從此早辭官五株  
楊柳枝連理千歲桃花子合歡玉出荆溪  
重離璞珠生震澤又登盤里門更比于公  
大駟馬高車過不難

附吳宮詹園亭看牡丹觀妓

烏衣佳子弟綠野舊池臺昔到人俱少  
今來柳半衰殘鶯憐曲住晚萼妬妝開  
不是憐紅粉那能盡綠醅

送吳惟範北上



臥雲家食久傍日計偕初南面方親政東  
封好上書晚烟江水綠春雪柳條踈噉噉  
西歸鴈隨君上玉除

○入荆溪不謁萬宗伯先生伏承垂問  
敬上此作

非是無媒路不通岑牟那敢謁三公辭官  
未滿千金產入里能齊萬石風莫羨神僊  
居洞裏還看宰相起山中殷勤尚憶王生  
舊一問堪將結韞同

與諸君泛西泖

芳渚亂鷗羣中流共五君溪渾全納雨山  
綠半辭雲春草寒仍淺鳴禽霽始聞不知  
僊路近青靄漸細縕

重遊蜀山

掛帆泂落日丘壑滿船看雪後衆山綠湖  
陰孤渚寒夜陶然遠火春市鬻芳蘭只尺



躋攀近誰云蜀道難

與吳幼元重游張公洞

廿載悲前事吾生信若浮  
石林雲不去丹竈水長流  
仰視青天小窮探白日幽禽生  
幸無恙還與尚平游

張公洞觀僊蛻二首

獨往竟不返飄飄欲御風  
初疑採藥去忽呀首丘同  
遺蛻千山裏迹名一世中  
神僊

詎可測或恐是張公

冲舉非難事將留僊蹟看  
野燐焚白蛤樵豎竊黃冠  
鶴化形骸稿丹飛齒髮完  
何人封谷口請借一泥丸

泛湖汶

流水綠於染輕舟縱所如  
白雲藏曉市脩竹散郊居  
林暗常逢虎溪寒不上魚  
土風稱太古無乃是秦餘



金沙寺杭中丞祠堂

池水碧澄澄檀欒竹一層青蓮聞捨宅白  
社記傳燈石怪常疑虎雲間却類僧朝來  
香積飯持鉢祭中丞

寄公房

傳燈寺裏金沙古洗鉢池中綠水寒補藏  
重修蓮九品開林再種竹千竿

游張公洞後夢中得二句遂足成之

虛洞瓊瓏似鑿穿空傳霹靂赤烏年奇峰  
倒掛千尋翠曲磴斜飛一綫烟日射巖中  
巖吐日天通地底地藏天此二句夢中得不知張  
果丹成後一粒何人更得僊

玉女潭二首

丹嶂金吾鑿寒潭玉女名面嵐成畫閣架  
霧起雕楹開牖通花影疏泉納澗聲此中  
堪避世何用胷朝纓



霞宮瞰綠水云是洗頭盆華表開山逕金  
鋪飾洞門鳥聲含瀑布虎跡印松根壇上  
祠官去 先皇真壁存

瓊樹

獨孤詩裏咏瓊柯玉女潭邊掛碧蘿流水  
白雲俱隔斷朱欄綠樹奈君何

龍湫

石潭寒水翠於苔日暮寒蘿俯澗隈投綆  
漫言浮海出蕩舟剛及隔巖回泉飛暗作  
千山瀑龍去先從二月雷不飲何須愁笑  
客桃花洞口未曾開

天窟洞史金吾新開

碧落初開日丹厓始鑿年有山皆是洞無  
石不通泉挾壤成空谷雕林作漏天桃花  
栽尚短未滿一溪烟

連珠洞



乍疑山剖玉復怪洞連珠日漏光還並雲  
流影不殊龍居蟠地軸蛟室枕僊都幽壑  
饒靈異真堪照夜無

一絃天

青壁露青天中窺斷復連空將五色煉未  
補一絲穿劍劃雙崖石杯浮界道泉胡麻  
如可拾吾欲問秦年

荆溪山中與幼元感舊作

當時曾共採真游古木荒祠謁孝侯洞口  
桃花重襖被溪邊蘭葉又浮舟丹砂未覓  
消霜鬢綠酒還拚典黑裘二十年前行樂  
處祗今猶是舊風流

附花朝荆溪對雨懷吳幼元

百花又逢初度二月已近清明射虎祠  
邊雨暗斬蛟橋畔水生蛤蜊晚登沙市  
楊柳朝綠山城前度劉郎何處停雲靄



靄含情

與杭子湘並舟汎荆溪

松籟含風走暮江。寒流細細石淙淙。載將  
青靄蘭舟並繫向晴堤。錦纜雙樹影移來  
浮枕席。鳥聲啼去滿船窓。醇醪不及周公  
瑾。何用淋漓把玉缸。

山中同游貽萬承夫

寥廓風期汗漫蹤。扁舟載酒日相從。澗流  
殘雪山。山瀑門掩寒濤寺。寺松芝菌繕糧  
饒自給。鹿麕爲伴畏人逢。看君亦有烟霞  
癖。阮籍踈狂儻見容。

祝陵逢史戶部俄而別去

雨斜風逆泛溪來。此地逢君亦快哉。流水  
暫教停畫舫。春山未許共金罍。片時萍葉  
隨波散。無數桃花笑客開。願借史游書急  
就臨岐一弔祝英臺。



泊舟善卷聽新澗

新澗綠差差泉聲寺外池春雷聽欲悞夜  
雪望還疑載酒容舟淺流花出洞遲清冷  
堪洗耳尚想避堯時

善卷寺

殿古雷書黑松深佛火寒是泉皆作瀑何  
草不爲蘭雲去無心逐僧來有髮看詎須  
香積飯山色秀堪餐

往歲約恩公游善卷未果睽焉有懷  
因寄

杖屨欣重到袈裟負夙期空山松樹老閨  
月杏花遲雲護唐年殿苔侵李相碑試尋  
題壁處尚少惠休詩

附同恩公游善卷阻雨不克

玉洞隔湖濱孤舟阻雨頻衆峯爲彼岸  
片水卽迷津瀑布聽來悞雷書記未真



寄聲善卷子余亦避堯人

善卷洞雨中作

至人辭萬乘脫屣空山雲巖扉窮宵渺於  
焉謝人羣褰裳春嵐裏零雨朝網緼復洞  
如重樓一柱當其門亂石何齡齧奔流相  
吐吞束腓涉潺湲直下蒼厓根白玉作田  
疇青霞爲釜鬻一往不復返懷哉避堯君  
黃屋一何高南面一何尊舍彼冕與旒睠  
茲巖與麇寥寥千載間誰能挹其芬赫赫  
乘軒子營營何足云

附善卷洞寄吳京兆二首

訪戴重來詎有期避堯千載不同時層  
厓雲隔陰晴覽一壑天通上下窺流水  
聲中青雀舫寒松影裏赤烏碑春山試  
問吳京兆何似風流畫後眉

積雨空巖嵐未收新晴絕壁翠俱流泉



井溪路 卷一  
添衆壑奔如峽洞闢重門疊似樓瑤草  
不虛前度約桃花應笑乍來游詩成未  
敢輕題石擬待仙郎秀句留

善卷洞懷謝仲毓

洞口寒芳悵所知山中把酒動相思石  
僊去芝安在丹竈苔封藥可疑獨往漫收  
雲作侶重來更與鶴爲期迫然欲發蘇明  
齋但少驚人謝朓詩

雨中望國山封禪碑

崕嶺寧堪比岱宗金泥玉檢漫登封赤鳥  
碑在無人讀只隔春雲一兩重

三生堂

雨暗午鐘鳴虛堂躡屐行古松樵漸少青  
嶂鑿來平入牖寒雲色浮堦暮壑聲未能  
償一宿焉用說三生

善卷寺雷書歌



世間靈恠人不測善卷寺裏雷書黑科斗  
銜梁知幾重采魚帶柱疑千尺柱中奇字  
誰所爲云是唐年傳霹靂古殿空山白日  
陰禪燈一點晝沉沉倒看髣髴纔能辨直  
視支離不可尋金刀剖處文何厚山石磨  
來理更深蚓結綢繆連復斷蛇盤宛轉糾  
還亂左披或是射鈞記右讀將無詩米漢  
丹砂搨去稱辟瘡黃絹摸歸聞禱旱虎兕  
紛拏鳳凰舞汲丘魯壁何須數畫沙勢勁  
比銅盤切玉鋒勻兼石鼓由來六合本茫  
茫鬼火龍車總異常此柱此書今尚在齊  
諧未必盡荒唐

附游善卷歸吳應蓮樓中觀妓

白雲辭玉洞明月醉朱樓度曲招公瑾  
停箏待莫愁梅花供點額蘭葉當纏頭  
若使山中見胡麻爲爾留



張渚夜泊

天際羣山望轉奇  
千家燈火夜參差  
薪來茗額齊登市  
水下龍池半入陂  
醉後呵人亭上尉  
齋時佞佛寺中尼  
明朝何處躋攀好  
石上寒藤覓一枝

長林徐氏草堂

纁壁徵君後  
琴書隱者儔  
樽非一處設  
轄有數家投  
青靄當門合  
鳴泉並舍流  
龍池秋色好  
樸被更來游

徐氏兄弟邀遊響山坂

過嶺爲吳興

載酒潺湲裏  
孤屋似棧懸  
地迷秦日月  
額隔越山川  
俗富茶成市  
沙饒竹是田  
一丘如可買  
吾欲枕流泉

將游龍池阻雨不果

樵徑空濛晝不分  
裹糧深負意殷勤  
龍歸尚帶前山雨  
馬度難通隔澗雲  
興盡溪邊



人乍返路迷花下犬空聞秋來更欲窮幽  
絕寄語青厓麝鹿羣

吳光祿鸚鵡園

別墅向山城寒塘鸚鵡名桂枝招隱士楊  
柳學先生竹色覆潭綠峰陰隔水晴亦知  
同賦客不肯忘禰衡

荆溪採蘭曲五首

葉帶朝烟翠陸離花含春霧紫歲粧美人

腸斷湘江水折得芳馨欲寄誰

松下雲邊與澗傍崇朝采采未盈筐游蜂  
滿路空相逐一入城中便不香

春靄氤氳路半濡瓦盆香土數千株可憐  
空谷根難托不爲當門也被鋤

冉冉幽叢隔塢深美於青玉貴於金栽花  
縣令風流甚數朶先供伴綠琴

破雪穿苔一寸芽杖挑籐束出山家幽香



不上如鴉髻，悞捲紅簾聽賣花。

食竹菇

燦如紅玉光，還瑩圓似青錢質。更輕紫荇綠葵，俱不敵江東只合比蓴羹。

荆溪閨月不見燕二首

春社幾回過，舊巢泥簌簌。蕭條水上樓，河橋柳枝綠。

閨月銅官山，蘼蕪藹春晝。不見烏衣來，杏花

花

夜泊荆溪聞烏聲作烏夜啼曲

烏夜啼，日未出，斬蛟橋邊露猶濕。游子推篷，露中立，只愁啼向姑蘇道。思婦紅妝倚牀泣。

留別萬子寅

雨裏春山酒共携，別君分手意凄凄。一經名傍賢良起，萬石風將父子齊。寄與雲霞



不上如鴉髻，悞捲紅簾聽賣花。

食竹菇

燦如紅玉光，還瑩圓似青錢質。更輕紫荇綠葵，俱不敵江東只合比蓴羹。

荆溪閨月不見燕二首

春社幾回過，舊巢泥簌簌。蕭條水上樓，河橋柳枝綠。

閨月銅官山，蘼蕪藹春晝。不見烏衣來，杏

花

夜泊荆溪聞烏聲作烏夜啼曲

烏夜啼，日未出，斬蛟橋邊露猶濕。游子推蓬露中立，只愁啼向姑蘇道。思婦紅妝倚

林泣

留別萬子寅

雨裏春山酒共携，別君分手意凄凄。一經名傍賢良起，萬石風將父子齊。寄與雲霞



長作伴不言桃李自成蹊  
他尚有清秋  
約翠壁丹楓並馬蹄

留別吳幼元

十日荆溪同泛明朝茂苑先歸落梅一曲  
吹笛垂柳千絲拂衣流水放舟東下征人  
似燕西飛思君後夜何處回首雲山翠微  
歸途作楊柳枝寄吳京兆

來時拂馬未成絲去日藏鶯綠滿枝記取  
荆溪楊柳色還家學畫鏡臺眉

荆溪歸簡吳子知

鳳笙吹上木蘭舟陽羨山光紫翠淨採藥  
忽逢秦隱士銜杯俱學晉風流贈來爲佩  
蘭偏好折下如絲柳最柔何事阮咸能好  
客春衫不共竹林游

記

張公洞觀僊蛻記



游張公洞之日寄公言洞後有僊蛻也路  
黑多岐不記從何處入恐觸蛟龍日又夕  
矣諸君意猶豫惟吳君幼元決策而前曰  
此萬劫罕事寧慮桃花迷客乎請爲靈威  
丈人我不辭也先脫幘解逢掖着一單絞  
從後山小洞入下窺幽窅莫測路所從聞  
山下一僧能知蛻處趨召之來使前導余  
及萬君承夫皆從路曲且隘隘處腓如束  
不可下則令童子肩承之每遇巖曲踝與  
頂相鞠踖如蝟杖不可投則借炬爲杖炬  
又不可長也人持尺許枝梧僅五百餘武  
僧指一齧齧曰在此火燭之僊者枕厓臥  
左手握固肱稍曲短髮垂領皆鬣黑面肉  
如腊形容不變可四十許人微于思衣被  
焚胸見摩挲其腹瓠如鼓之作逢逢聲相  
與瞻禮而出汗如蒸坐石壁下諸君相顧



如喘月聽僧言僊者以歲辛巳秋携一襍  
來寺中問姓名不告亦不言何許人然其  
言實吳音偕僧游洞中咨嗟不去口曰夫  
非驂鸞跨鶴之流而安得居此嘖嘖者又  
之僧家爲具夕殮不食食潺湲半盂啖山  
果而已明日出游不歸使沙彌迹之玉女  
金沙不得遂杳然僧意踽踽者是夫將無  
已飽於菟之腹乎視其襍惟藥草數莖而

會壬午改歲山中入游者巖壑皆滿或巨  
羊至蛇處偵得之以爲僊僧走視之乃向  
所携襍者也着黃冠布單衣籠一燭留枕  
傍跃猶在後來觀者衆遺火燎其衣卽今  
露胸處又或竊其冠今在市上人家好事  
者購之二緩不肯售去歲史金吾來觀出  
其陽岸然知腹中有藏丹欲製衣冠歛之  
不果夫皮毛齒髮僊人以爲贅疣故黃腸



題奏珠襦玉柙皆爲身累又奚事區區一  
匏一布以爲覆藏自辛巳至癸未三改臘  
矣北印西陵不勝速朽此遺骸獨宛然非  
其中有如櫻桃一顆在者乎疇能金剛其  
身若此陰厓曲磴壯夫躡之猶股弁使其  
生時稍有四大之苦安能匍匐秉炬至此  
衣冠儼然雲臥邪言魏伯陽丹成食之而  
死未幾復生冲舉生矣此蛻者焉知其  
終稿然一窟哉余惜夫僊者之委骨窮巖  
以白雲爲墓田青霞爲棺槨山靈守塚神  
龍呵衛黃泉白日曠然皆不相及乃未免  
爲樵童牧豎之所竊窺五濁惡界之夫穢  
形溷跡日憧憧於其傍又何不假霹靂如  
赤烏者以函谷一丸封之也

鸚鵡園記

出義興北門面城而居者今光祿吳君



之宅儼然在焉宅後有鸚鵡塘水綠如鸚  
鵡故名光祿爲園據之因自號鸚鵡園云園  
在宅左偏入門有長堤百步被以脩竹水  
透之曰清流稍轉而北葢桂婆娑徑出其  
下曰秋香自逕右小門入穹閣浮樹杪可  
數十級下爲圓牖龕奉浮屠像上開北窓  
以納涼颺曰清玄清玄之東北草堂靚深  
曰潛玄光祿之先府君所棲以托於子雲  
者也其西厦爲齋庭中植白辛夷曰玉照  
又西有小菴南枝如雪曰梅花菴中亦有  
浮屠像自菴南出層臺曠然城而登望銅  
官之雲荏苒衣袂曰緜露以比金人僊掌  
下有洞廡覆之廡之前洲在池中圓如輪  
跨以屋如舫曰月洲洲傍舊有臥柯浮水  
上如查風摧之折矣自洲折而最西北當  
園盡處亭翼然瞰池深篁重樾炎歊洗如



曰清暑清暑而南清流而北一水灌注亭  
者若沼滙者若潭曲者若陂長者若澗圓  
者若環斷者若玦淵然澄然凝碧湛綠廣  
不衣帶而崇臺虛閣曲徑重廊雲房月榭  
靡不旋繞包絡參差蔽虧錯以香草羅以  
美箭果林在前藥圃在後名花環列喬木  
周布此則鸚鵡園之大較也僕見今之所  
稱名公卿者徃徃疏泉秬石鏤山雕林窮  
壯麗極窅窳而猶未愜然金鋪繡澁苔痕  
染其扉門柳合抱可藏鴉矣而主人不得  
歸歸則向風欲僵背風欲仆鶴髮龍鍾可  
閔也有如光祿君之年甚壯薄進賢如秋  
雲日與酒人辭容拍浮此園秋英可飡晨  
露愈渴鵝塘之流可以樂飢以此視彼豈  
不蜣螂與蘇合之丸哉有以五斗長安告  
者請汲此塘之流爲君洗耳



塔銘

講師荆山和尚塔銘

有善知識圓珂比丘厥產北土一葦南浮  
昔同燕玉今比荆璫龍函歷覽象教周游  
鉢中雲吐杖底泉流潮音在舌河沙在口  
百獸無聲孤獅獨吼剖竹刃解聚栴珠走  
羣石點頭衆禽登手卓錫金沙掛衲寶林  
建幢果大補佛功深人天護法士女皈心

化城百堵湧殿千尋慧炬重燃旃林再綠  
月印寒潭風鳴翠竹檀波不匱福田長續  
呪水蛟潛呵巖虎伏羲探三藏緣謝一方  
俄辭夏臘忽倦津梁袈裟掩脛舍利周床  
不昏心鏡遽委革囊哀壑夜號愁雲晝結  
靈蓋無花智芽失葉玉骨半龕香骸滿匣  
弟子悲啼門人慘咽延陵宰官爰施緡錢  
銘雕綠蘚塔鑿青蓮圓稱無礙珂喻常堅



金剛不壞歷劫綿絲

常州府顧塘橋吳宅雲栖館雕本

荆溪疏卷下

延令纂序

積學齋徐乃昌感書

延令纂者百穀王先生客延令所纂也延令無可纂王先生纂所爲詩歌文詞以延令成帙也延令一彈丸甌脫菰蘆之鄉前右江後左淮海馮夷海若之爲君而陽侯河伯之爲臣綠疇如煙恬波如鏡天多水闊所羸者雲濤月浪之觀而已地故屬吳今於吳遠無三吳之藻繡然亦無其滢浮



吳後屬楚今於楚遠無三楚之精悍然亦無其深怨繫我

高皇帝龍飛淮甸蕞爾邑介在湯沐旁郡故所沾薰者獨浩蕩椎朴之風用是不得比數于巖邑宇內幾不知有延令延令之視宇內不啻武陵桃源于人間世也戊戌冬徼惠於敝邑寡君率二三父老以志事于王先生王先生儼然辱臨旬餘而得所爲延令纂者延令故無名山川亦無靈蹤奇跡足當王先生吟眺纂中語僅敝邑寡君銜杯倡酬朋儕投贈之章而已自延令纂出而延令之鄙陋不可掩然而延令也乃有王先生纂者則延令重矣王先生慎所與可獨雅善不佞蓋王先生之謂不佞曰同心者未必同志同志者未必同調同調者未必同能此四者不敢避倚玉之嫌



自外足下矣夫是四者則不佞烏敢第王  
先生肝腸在舌金石在骨矚然不淄不佞  
直古人事之而今之知王先生者徒以才  
掩王先生如徒以才也者則鬻龍繡虎之  
標此無當之玉卮寧王先生卽不佞不屑  
也

萬曆己亥春仲延令張京元撰

延令纂序

上虞陳繼疇撰

延令纂者余友百穀王君客延令時作也  
余旣善百穀每過金閭必相顧盤桓而往  
歲赴延令時以程迫僅數語而別期渡江  
相會及後折簡招之不來余知百穀不善  
游且不樂入武城之室也又兩歲諸縉紳  
父老以邑乘壞圖新之僉云非王先生不



可於是余以縉紳父老言爲請而百穀至  
止慶雲禪院邑之人素重王先生無少長  
隱顯爭欲得其片紙隻字不卽亦欲一瞻  
其風采以爲快座上客戶外屢常滿僧寮  
不能容徙居陸氏園中過從者益衆百穀  
一以平等法應之無少長無隱顯莫不延  
接而遂其所求或日不能給則秉燭繼之  
一時紙價高與吳綾等留十旬而去囊草

所積詩文若干篇成帙矣夫延令江北彈  
丸地無山川巖壑之竒好游之士所不至  
卽至亦多舐舐不樂若不足飽其意者百  
穀茲編冥搜遐覽並采博收卽境卽事靡  
非天倪所見語地則高原廣陌細瀆長江  
野寺孤墟平沙曲塢無所不探語景則江  
村烟暮雪初暘寒潮冥霧經聲漁唱無  
不收語人則儒紳介士墨卿酒人羽衣



緇流劍客博徒市兒野老無所不與語物  
則紫蟹黃花青蘋白鴈江蘼海錯岸柳汀  
蘆苦笋甘梨無所不載語體則短歌長句  
古風近體賦記碑贊疏偈無所不備覽之  
如行山陰道上應接不暇而聶爾江城遂  
成佳境不至落莫矣昔司馬長卿以詞賦  
稱上林等篇靡麗宏宕誇視千古而其客  
臨邛時絕未嘗吐一詞也今往朝之則稱



延令集序

王百谷先生游道極廣北游燕南游於越  
最晚游倦迺游延令延令距先生里門三  
百里而近延令人多藏者大半功曹從事  
之雄耳然已爲此土原嘗其民自錢穀獄  
訟其士自舉子經義外了不知風騷何物  
是固無能得王先生得先生以陳令公先  
生居延令客舍令公朝夕朝若曹則嚼指



相詫曰是貴客又能踞令公上者乃不靳  
重幣向先生爲壽又不靳滑醇擊鮮觴先  
生卷鞢攝衽屏息行炙恭甚顧先生刺刺  
數語輒瞪目相視若爰居之駭鐘鼓先生  
弗善也抑又苦之弟引七大嚼首岬折角  
而目注劇場酒罷鼓淵淵而火煌煌客長  
揖謝主人去明旦先生能道昨搬演某家  
門而主者家門臆弗得也先生間出統素  
言口占語勞苦諸君大略述其供帳之勤  
館轂之腆云耳若輩輒已交手加額曰先  
生今上客幸善臣肯飲臣酒又惠臣詩王  
先生客延令三月能以臨邛客嚴馬卿者  
十而十一以子虛重馬卿者百無一有世  
尊說法修羅羅刹皆頽首環聽彼非爲法  
忉利天王爲之祭酒也吁嗟世無神道不  
設教世無護法不說法豈虛說哉先生去



延今之四月而是纂成以地則江程水步  
城市村墟之處無不歷以宇則名監廢刹  
古廟荒祠成樓官解市園野墅之屬無不  
遍以物則黃菊紅蕖土梨海錯之類無不  
品以人則公子將軍廣文簿尉孝廉明經  
比丘僧布衣俠之徒無不懽先生游延今  
以邑乘故茲編已當一幅小乘世稱少陵  
詩史王先生者詩而史乎史而詩乎當自



延令纂卷上

太原王穉登撰

將西游與王房仲夜訪覺公禪院

作客乘秋出尋僧入夜行開林今惠遠捨  
宅古王生松竹皆初地樓臺盡化城願分  
功德水相與濯塵纓

重陽前一日泊新安

亂帆天外落野泊數家村螢火依叢薄蟲



聲出草根雨收山漸碧雲翳月微昏客裏  
重陽近何人送一樽

重陽後一日與箕岫師登吳幼元臨

雲閣

不識重陽過登高一憮然既吟陶令菊還  
問遠公蓮酒熟能留客樓居好學仙昨朝  
晴不雨所喜卜豐年

重經孟河

舊游曾見築城時城下家家種柳枝試看  
柳枯心半蝨爭教人老鬢無絲  
村鼓難分戍鼓聲戰船俱作渡船橫但聞  
估客常逢賊漫說將軍日練兵  
荒城故壘暫維舟吹笛無人上戍樓明月  
乍生潮又落江南江氣兩悠悠

渡江

帶星潮乍上辨色曉揚舲舟楫魚龍氣旌



旗鳥雀形波光迎日赤雲影露山青江北  
人聲近煙中漸可聽

海陵慶雲寺酌酒與馬季聲

天涯此日一樽同  
白社逃禪對遠公  
書愧練裘王大令  
賦誇長笛馬扶風  
山光隔水芙蓉紫  
客夢還家荔子紅  
茂宰由來能重客  
狐裘未可歎車東

陳使君送菊

旅館依蘭若黃花近  
白蓮亭亭孤月下  
粲粲早霜前瘦影侵禪榻  
寒香滿法筵使君無厚祿  
持贈比金錢

贈何許卿孝廉何新喪內居僧舍

江北風煙氣莽蒼  
海陵才子獨何郎  
肯將犢鼻同司馬  
乍失蛾眉是孟光  
鸚鵡賦含毫上綵芙蓉  
劍飽匣中霜  
遠公十二蓮花漏  
爲爾聲聲秋點長



延令集  
三  
荅王百穀先生見贈

何南金

齒角長風起劇譚憐予對壘憊何堪敢  
同繡虎誇曹植惟以猶龍頌李暉試接  
短兵終敗北纔叅半偈便和南仲宣近  
減登樓興自禮禪燈對佛龕

布衣曾視明光草到處人知故校書酬  
德不妨門有雀愛賓寧使食無魚折腰  
當日逃彭澤扼腕今皇讀子虛何似

臨叩賢茂宰却將程鄭溷相如

慶雲寺與馬季聲對月二首

他鄉明月好良夜坐來深佛比長圓面禪  
同不障心江聲何處鼓客思故園砧得借  
清光照那愁玉露侵

江月皎如晝空門夜寂然乍生龍樹裏忽  
到鴈堂前處處林疑雪聲聲漏是蓮寸心  
如許共千里亦同圓



陳泰興夜集陸氏園

江縣人稀早放衙西園載酒日初斜琴非  
卓女何須奏鼓豈禰生亦亂搗十載爲郎  
仍墨綬一樽留客共黃花明朝莫遣重投  
轄月滿潮平正憶家

與王百谷馬季聲集陸園和韻

陳繼疇

西園槐柳近官衙影轉簾櫳落日斜

舍賓朋飛蓋入上方鐘鼓隔林樾清樽  
共醉三更月綵筆齊開五色花十日平  
原期未足且停車轄在僧家

優人稱余先生戲占六言似陳使君  
道如太丘最廣客似臨邛不輕却笑梨園  
弟妄呼天竺二先生

題顧司馬清秋出塞圖

庭前木葉刁刁語驚沙漲天天欲雨江北



陳泰興夜集陸氏園

江縣人稀早放衙西園載酒日初斜琴非  
卓女何須奏鼓豈彌生亦亂搗十載爲郎  
仍墨綬一樽留客共黃花明朝莫遣重投  
轄月滿潮平正憶家

與王百谷馬季聲集陸園和韻

陳繼疇

西園槐柳近官衙影轉簾櫳落日斜  
舍賓朋飛蓋入上方鐘鼓隔林搗清樽  
共醉三更月綵筆齊開五色花十日平  
原期未足且停車轄在僧家

優人稱余先生戲占六言似陳使君  
道如太丘最廣客似臨邛不輕却笑梨園  
弟妄呼天竺二先生

題顧司馬清秋出塞圖

庭前木葉刁刁語驚馬沙漲天天欲雨江北



江南氣候殊。斷潮落日無行旅。旅中夜看  
出塞圖。桓桓虎臣顧大夫。不待白猿傳劍  
術。何須玄女授陰符。炎荒昔歲曾平寇。朔  
漠今來又擊胡。白日常教照肝膽。清霜未  
許上頭顱。廉頗初去趙。樂毅遽辭燕。吾謀  
適不用。衆口何紛然。黃沙白草連荒戍。圖  
中彷彿防秋處。野火燒殘虜地營。疾風吹  
倒邊城樹。挂弓直上醫無閭。鳴劍欲過華  
不注。塞草不容胡馬牧。塞垣肯許胡兒住。  
大夫歸後妖氛惡。鴨綠江頭晝吹角。論攻  
論守若搏沙。徵兵徵餉俱填壑。旗上空懸  
太白高。帳前誰射欃槍落。天子猶然念  
舊臣。璽書召入在逡巡。請看麟閣他年貌。  
卽是清秋出塞人。

客中霜降

悲風吹廣漠。驚塵似沙磧。朝看庭中樹。未



暮已變色浮屠三五人佞佛火不息篋裏  
無寒衣空堂聞促織主人召我飲擊鮮不  
能食徒然彊言笑一一非故識在天明河  
限在地長江隔均此一衣帶相望俱脉脉  
雖無屋上霜鬢絲中夜白寄語江南人慎  
勿客江北

得家報

天涯把酒不成歡乍得家書強自寬稍喜  
故園兒與女也同池上竹平安

送馬季聲之金陵謁耿中丞

分手倉忙向佛燈海陵西去是金陵平沙  
漠漠征途遠飛鳥雙雙別恨增黃菊難忘  
江上宰青衿又謁殿中丞無端獨住臨邛  
市不傍王孫只傍僧

陳繼疇

公子相辭入舊京江雲漠漠最關情綈



袍未贈寒猶薄白壁誰收價不輕幕府  
高秋憑作賦海門孤月佐談兵風流自  
媿臨邛今投轄無能重馬卿

海陵留別王百谷先生 馬欵

天涯相見又相離此去誰如鮑叔知人  
滯五湖傷歲暮家徒四壁歎歸遲黃花  
今日堪同瘦紫蠟明朝不共持只恐秣  
陵凋敝甚梅開重約訪君期

陳泰興送酒

暫客異鄉縣風物何凄其寒日苦不長未  
午陰已西種豆沙田中豆熟燃其萁城中  
半茅屋裡柳長條齊柳下有牧豕柳上有  
棲雞主人送名酒三斗出兵厨菊花既可  
把蟹螯亦可持砧聲隔江水誰其寄寒衣  
思家慘不樂焉得醉如泥

何安平席上懷其舅朱在明



江縣秋風木葉丹故人相見酒杯寬辭官  
太早因栽柳生子雖遲已夢蘭荒圃平沙  
看菊瘦寒潮遠市得魚難一樽共灑西州  
淚坐對羊曇憶謝安

客中芙蓉

村家岸口暮潮乾紅白芙蓉一半殘却憶  
小園開似錦主人何事涉江看

戴家灣梨

病渴餐梨美還如嚼雪同灣今稱戴氏谷  
豈讓張公帶雨花何似經霜樹已空亦知  
植不及百果此名宗

得家書知吳中穀貴

客裏家書至思歸首重搔詩方憫長楚酒  
忍醉蒲桃世治人情迫年豐穀價高催科  
如束濕無乃大夫勞

江上寄茅平仲



江城尺五地不肯踏塵埃肝膽平原客文  
章記室才讀書唇欲腐看劍志難灰老著  
平胡策金門擬獻來

寺居懷王房仲二首

歲暮思君百感增西風吹暗佛前燈依劉  
敢謂同王粲報漢何由白李陵俠骨尚存  
留寶劍禪心未徹問金繩飛書欲下聊城  
將矢弱弓微竟未能

旅食蕭條客異鄉婁江東望月蒼蒼露凋  
楓樹秋原冷水滴蓮花夜漏長市上幾時  
曾有虎道傍若箇不亡羊長纓欲係單于  
頸願乞髡鉗徒朔方

客中冬熱

十月淮南熱游蜂出野田花餘待霜菊葉  
賸過秋蓮屨薄何妨葛衣單不受縣題書  
寄小嬾統扇莫相捐



廣福廢寺

廣福唐年寺禪燈白日昏無僧禮龍象徧  
地牧雞豚法已三車廢名空十院存樂邦  
金可募重布給孤園

寄江令君於揚州

栖棘祥鸞已六年一飛猶未得冲天芙蓉  
泣露愁難別萋菲成風謗可憐紅板畫欄  
橋廿四青簾白舫路三千不知今夜蕪城  
畔何處吹簫對月圓

立冬

秋風吹盡舊庭柯黃葉丹楓客裏過一點  
禪燈半輪月今宵寒較昨宵多

張無始席上作

雀羅門冷晝常關然諾心傾杯酒間楚國  
安能知白壁漢宮誰不如紅顏燈前夜夜  
看秋水鏡裏朝朝畫遠山十日平原期莫



問與君相對已忘還

同贈

陳繼疇

獻賦何年入禁闈  
抱書長日掩重扉  
池邊芳草裁為句  
江上芙蓉採作衣  
駿骨自逢燕市賞  
青雲時傍里門飛  
蓬蒿滿徑西風裏  
不為多情減帶圍

題茅平仲小像

長安噉徧五侯鯖  
老作江南處士星  
十丈

長纓無路請幼輿  
丘壑付丹青

移居陸氏園陳泰輿載酒見過

園林無俗軌  
襪被又移居  
漸減來時橐  
仍增客裏書  
大夫能載酒  
游子免歌魚  
何事宵來夢  
依然在故廬

次王百谷移居陸園韻

陳繼疇

避囂過別墅  
托寄在樓居  
豈薄維摩室  
將裁叔夜書  
門容問字客  
池受放生魚



野性能相似他年共結廬

移居陸氏園亭謝主人作

暫托名園住携書對此君樓空惟鼠迹池  
涸少鵝羣門許僧敲月床留客臥雲黃花  
兼綠酒供帳太慙勤

戴息思齋中看菊

三枝五枝黃菊半醉半醒綠樽何謂戴逵  
宅裏却同陶令籬根折來聊伴逆旅看去  
渾疑故園不似山陰興盡還期踏月衡門  
于翁携酒看菊

黃菊誰家好同君載酒看千株誇異種三  
徑薄微官髮比枝頭雪顏如葉畔丹長生  
非大藥只採落英餐

謝周文學明禮贈菊

寒香折贈兩枝新聊伴天涯客裏身夜坐  
挑燈對花影飛憐黃菊瘦如人



聞鴈

驚沙如霧月如煙一聽征鴻一黯然不寄  
歸期過江去空教兒女卜金錢

與諸君夜聽酒家美人歌

晚妝初罷酒初醺一曲清歌月裏聞誰是  
臨邛病司馬當壚羞對卓文君

陳泰興席上送黃敦揆還溫陵溫陵

陳舊治

惜別非關淚濕衣臨邛坐上雨霏微客身  
送客仍爲客歸路言歸未是歸臺過始蘇  
麋鹿走灘經黯淡鷓鴣飛溫陵此去無霜  
雪莫遣甘棠一葉稀

霜寒

烈烈瓦溝霜他鄉草木黃合歡床上被一  
半冷鴛鴦

觀陳使君射歌



北風獵獵吹江滸。屋瓦紛飛葉如雨。吹角  
鳴金聲震地。使君出城親校武。畫戾六尺  
樹不定。白草黃沙平似鏡。材官兜鍪繡襖  
襜褕。部伍森然聽號令。五石瓠弓鵠血塗壺  
中大羽。金僕姑瘦鶴。是軀猿是臂。左右爭  
看陳大夫。裂帛一聲矢中鵠。人聲歡呼鼓  
聲續。須臾矢盡解。發坐鵠裏齊穿十四鏃。  
登堂笑托故人手。還將軍法催行酒。雲中  
鴻鴈不敢鳴。草間狐兔安能走。使君寧射  
如宰邑。草偃風行在呼吸。發擿吏弊同穿  
楊洞。悉人情猶貫蝨。十載一官仍墨綬。江  
縣居人半爲寇。再盜堪當渤海前。除殘豈  
在朝歌後。紛紛車馬盡東征。樂浪玄菟未  
罷兵。何不召取使君去。一箭能教鴨綠平。

悼馬一首爲陳使君賦

失馬意悽悽。房星落海堤。晚空池上浴。風



斷柳邊嘶誰買黃金骨爭憐碧玉蹄敝帷  
恩不薄荒草夕陽西

泰興坐上有懷公子不盈

元方奕奕美無雙安得衙齋共玉缸剡水  
猿聲秋到枕雲門山色曉當窓贈來如雪  
刀名呂夢處生花筆是江不久里門過駟  
馬大夫陰德善爲邦

荅和王百谷先生海陵寄懷之作

陳謙益

相期國士許無雙曾記吳門醉酒缸夢  
斷月光寒滿屋函來雪色見臨窓千秋  
彩筆瞻霄漢八月僊槎憶大江待得春  
時花信發問奇還擬入名邦

訪張君望

衡門留客處落葉滿江城產爲纏頭減官  
將屈膝輕風塵留一劍勲業罷長纓贏得



青樓上猶存薄倖名

贈張伯煉

布衣相逐里中兒，任俠翩翩老更奇。  
門外綠林過不入，牀頭黃石臥常披。  
鼓刀市上交朱亥，擊筑筵中識漸離。  
鴻鵠冥冥心萬里，蓬蒿燕雀爾安知。

席上贈孫將軍

相看意氣太飛揚，邀客名園醉綠觴。  
虎帳平臨江浦月，龍旗半捲戍樓霜。  
持螯共聽清商樂，躍馬還尋古戰場。  
白羽徵兵東事急，將軍早爲度遼陽。

遊嚴汝益園林

名園臨大野，寂寂少行人。  
地有前朝木，居無並舍隣。  
水枯萍附石，厨冷葉供薪。  
不待花迷客，悠然可避秦。

得吳載伯秣陵書



雙魚一札寄情親。同是飄蓬逆旅身。無忌  
不歸懷故國。莫愁新得戀佳人。海陵風俗  
傳從楚。建業岡巒鑿自秦。君在江南望江  
北。知余衰鬢客風塵。

李汝冲邀同陳使君騰蛟閣坐月

樹裏千旄映女墻。城頭擊柝坐傳觴。惟君  
掃榻能留釋。有客登樓亦姓王。明鏡飛來  
江渚月。疎鐘敲下板橋霜。神僊絲令佳公  
子。痛飲寧辭夜未央。

月夜同王百谷登騰蛟閣

陳繼疇

臥治城南百尺樓。高懸樹杪見江流。當  
杯月出千門夜。滿屋霜飛一鴈秋。吹斷  
角聲潮欲上。落殘燈燼客仍留。揮毫信  
美君能賦。載酒何妨日共游。

將游揚州阻雨未發



不成踏月醉迷樓人病天寒畏遠遊枕上  
鴈聲窗外雨敝車羸馬滯并州

贈周贊父

五陵裘馬憶當年散盡黃金客似煙山色  
隔江門外見河流出峽口中懸一區揚子  
談經宅二頃蘇秦負郭田好覓吹簫舊時  
伴勝游元不在腰纏

雨阻維揚之遊周明禮來夜坐

孤館何人到殘編伴寂寥方悲客路阻轉  
覺故鄉遙取醉有竹葉欲攀無柳條非君  
共秉燭奈此雨蕭蕭

夜夢文子長

夢見東床兒依然猶坦腹醒來淚滿枕不  
待黃梁熟

張郎行贈張無始

張郎便便腹如瓠腹中丘墳稱武庫家住



城東一區宅終年不踏城西路城西路上  
人肩摩銅山紛紛金穴多南隣考鐘北舍  
鼓浮雲其奈張郎何手持一編臥還讀司  
馬遺書藏滿屋大兒文舉小德祖其餘者  
誰空碌碌沙中種豆豆苗枯飯牛扣角歌  
烏烏朱輪繡轂等閒事何勞腐鼠嚇鳶雛  
平生意不可一世乍見呼我爲奇士把臂  
頻嗟識面晚稱我才情兼意氣我何意氣  
亦何才蒯緱蕭瑟渡江來臨邛僊令能  
客么膺程鄭烏有哉眼中之人吾與子子  
方壯年吾老矣張郎張郎好自愛未許他  
人執牛耳

留別周明禮

吳門携手憶逢君幾度相思隔暮雲龍劍  
重來還再合雞栖暫入肯同羣非關按曲  
頻迴顧不爲銜杯也自醺此別只分衣帶



水好憑雙鯉一相聞

聞鵲

日落空聞鴈江寒未得魚鵲聲何太喜莫  
是有家書

雪

十日北風吹不歇釀作淮南一天雪不知  
窗外白紛紛擁被呼童問殘月

荅陳旃父見懷

莫問臨邛客窮冬正憶家霜天難見橘瀟  
井不宜茶紙價從他貴書名借汝誇太玄  
俱覆瓿何以荅侯芭

懷王先生二首

門人陳旃

相如詞賦本凌雲負弩臨邛意太勤千  
兩黃金雙白壁長門買得一篇文  
去時楓葉色如丹今日黃花已半殘一  
片歸帆何處是清江明月發蘆寒



客中書事

久客清霜點鬢毛。傭書兀兀敢辭勞。文章  
豈有三都重。紙價空令一縣高。何處綠樽  
非顧曲。誰家黃菊不持螯。佳人未嫁詞人  
老。安用琴心隔座挑。

小至日陳使君邀同諸子宴騰蛟閣  
朝暉出杲杲。飛閣高峨峨。靡靡寒原草。悠  
悠遠江波。纍纍江上山。隔水一何多。開筵  
羅衆賓。行酒肩相摩。是時逢小至。陽回氣  
微和。殘雪見。晁消隰。紛紛坡陀望。不見吾  
土目。隨飛鳥。過綠酒。雖未空。朱顏已先酡。  
不待秉燭歸。猶恐醉尉呵。白日苦太短。夜  
長其奈何。

○ 至日雪得家書

至日猶微雪。飄飄點客裾。他鄉一綫日。故  
苑萬金書。向樹拜烏鵲。開厨烹鯉魚。遙憐



揚子宅飛絮滿園廬

陳使君至日早過客舍未及櫛沐別去

至日掩關苔徑滑遶枝寒雀過三市打門  
僊令着朱衣對鏡衰翁梳白髮

久客秦興懷故令呂心文

故人昔爲令未幾卽言歸不戀五斗俸寧  
甘一布衣絃歌化閭井松菊滿園扉緬想

陶彭澤高風世所稀

馬店謁東平獻王廟

野店居人盡博徒貫錢小女立當壚不知  
白髮村中叟肯學東平樂善無

與孫將軍宿柴墟御史分司

烏去臺空栢樹殘孤燈無焰布衾單不緣  
御史霜威肅自是將軍劍氣寒

嘶馬典午東渡處



古渡嘗嘶五馬長江曾化一龍晉代表冠  
寂寂空餘隔水羣峰

贈歌者陳生

凍雲寒樹客江天旅館蕭條夜不眠賴有  
清歌消濁酒征途逢着李龜年

江干曉行

水落沙長岸漸欹霜林詰曲路逶迤紛紛  
騎馬乘舩客南北東西知爲誰

柴墟岳武穆王廟

落日荒祠古道邊斷鐘無篋鼎無煙金牌  
不是班師地鐵騎曾經破虜年折戟洗來  
沙半蝕殘骸畊出鏃猶穿山僧好護階前  
樹留待春風泣杜鵑

廣陵道中

蕭然一蒯緱結束上揚州日短促羸馬霜  
寒欺敝裘傭書充果腹賣賦作纏頭躑躅



西風裡羞稱跨鶴遊

### 重遊廣陵

一別維揚十八年邗溝流水尚依然梅花  
閣上人安在揚子津頭并未圓淮北風塵  
迷去馬竹西歌吹落遊船放生漸老才情  
盡誰賦驚濤夜拍天

### 贈顧小侯所建

才子出江都侯家汗血駒轆轤裝玉劍屈  
戌鏞金鋪座有夷門客田無薛邑租千牛  
供宿衛新賜繡螭弧

### 瓊花觀

門外紅塵路難尋羽士家紛紛車馬客若  
箇問瓊花

訪陸無從先生先生同顧所建送余  
真州道上

邗水徵君宅蕪城處士星管絃新樂府塵



上舊玄經一別頭俱白重來眼倍青藥難  
扶驥足杖已刻鳩形踏月安能去吹簫只  
自聽孤松同落落野鶴更亭亭著作高諸  
子才名滿暮春齡訪君過曲巷送我出寒汀  
客舫聯雙鷁侯家共五鯖遊方長卿倦狂  
豈次公醒解纜行何急乘潮去不停還期  
竹西社把酒坐沉冥

泊真州城下

米似明珠鹽似雪千艘入夜行還歇真州  
商女顏如花玉樹歌殘拜新月

真州訪江進之謝在杭二使君

孤臣相對破牢愁隔水看山近石頭夢罷  
江淹花在筆詩成謝朓月當樓榮名已付  
隍中鹿機事都忘海上鷗蔽日浮雲元易  
散真州莫便當并州

謝百谷先生渡江見訪 江盈科



江門歲晏滯風煙。澧芷湘蘭夢杳然。忽  
枉子猷寒夜棹。那當劉寵若耶錢。病移  
帶孔驚相問。醫指名家巧見憐。坐對殘  
燈怕言別。如眉纖月挂城邊。

萊蕪宦計故蕭疎。剩有遺經付後儒。兒  
是景升憐似犬。種非龍伯媿猶魚。登門  
未執通家禮。下榻先勞北土書。黃石僊  
人寧孟浪。情邊孺子可相如。

見月

但願月如弓。不願月如瓦。如弓識風多。如  
瓦占雨下。風送歸人喜。雨阻歸人怕。見月  
便思歸。何必三五夜。

贈江伯通

江干握手意相親。才子何由識隱淪。宋玉  
只堪生楚國。梁鴻元不是吳人。來時預恐  
歸遲暮。見後翻憐別苦辛。莫問桃源何處



是風塵一隔便迷津

留別江謝二使君

幾何意觸藩馬未言歸塞寄語漆園生將  
身游物外

君談新安水我憶吳門月但恐欲相留不  
敢言相別

聞陳思進司馬自額外歸奉寄

炎風瘴雨久馳驅拂袖歸來萬里途梅到

羅浮看也未砂經勾漏覓曾無芙蓉在  
仍留劍蕙以盈車不是珠語鳥名花裝不  
薄平泉綠野暫堪娛

孫將軍說劍堂

江壩何處覓侯封但聽驚濤日夜春愛妾  
遣歸非換馬健兒呼出盡屠龍談兵月掛  
營中柳對客雲來江上峰欲報君恩留  
一劍莫教塵土暗芙蓉



留別陳使君

西風江上挂帆歸把酒無言戀夕暉客久  
不辭顏色變愁多先覺鬢毛稀鴈迎冬日  
隨陽去鳧待春雲向闕飛三月相留一朝  
別對君安得不沾衣

送王百谷先生歸吳門

陳繼疇

紅亭送別思悠然凍柳寒梅近暮年柿  
葉書來成筆塚鷺羣載去是腰纏萍踪  
忽隔江南北鴈字難期春後先安得拂  
衣從爾去名香夜夜佛燈前

咫尺關河萬里看且憑斗酒暫盤桓新  
詩自向江城滿絲筆難銷客路寒柳短  
風前無可折菊殘霜後尚堪餐不愁良  
會今宵盡知有山陰興未闌

留別園亭主人陸功曹

久客臨邛縣惟君重馬卿肯留行李住自



掃落花迎月滿來時路江深別後情功曹  
能致主勝作一書生

離秦興後夜泊江濟

淡月微雲一天霧却似陰陵迷失路夢魂  
飛過大江南不須更唱公無渡

江干懷陳使君

四望空江夜寂然思君耿耿不成眠潮和  
別淚俱盈枕霧與離愁共一船司馬只憑  
金賣賦元龍莫笑客求田紛紛海內稱知  
已誰似臨邛令最賢

贈張君敬

明經莫道起家遲對策歸來鬢未絲醇謹  
石君書馬尾說詩匡鼎解人頤青編夜聚  
螢千點玉樹春栖鳳一枝不厭廣文餐首  
着江南風土最相宜

別周振宗孝廉



青苔無轍迹曲巷寡相過屋上烏堪愛門  
前雀可羅古心存太素薄俗任頽波莫道  
書難寄江深赤鯉多

江中夜行

瓜州渡口霜落揚子江心月明搖曳南風  
五兩闌干北斗三更家山隔斷霧氣鄉夢  
驚回鴈聲前路茫茫何處舟人又報潮生  
舟抵利城志喜

高江霧收問程纔一半望見春申廟始  
識江南岸

不是風塵苦如何兩鬢斑今宵明月下方  
得見家山

過梁谿

月滿城頭霜滿屋移舟暫對青山麓歸家  
只恐客裝輕汲得寒泉三五斛

夜過許野簡高司農



東歸夜指闔閭城月出津亭聽鼓聲  
鬢有雙蓬隨歲改舟惟一葉載愁輕  
却收魚鑰關重啓不待雞鳴客放行  
何意司農能好士人間知有老王生

還家聽西鄰吹笛

客子入門池水凍南林啼鳥春先動  
誰家樓上滿簾霜吹徹梅花笛三弄

登白毫閣禮佛

十旬淹逆旅三徑翳蓬蒿事佛何須佞  
安禪豈謂逃空持半偈久未息萬緣勞  
欲照迷方悞無過禮白毫



延令集卷下

太原王稗登撰

蝗賦

臣游延令延令人喜食蝗纍纍登市腥風  
滿城主人享客邊豆皆盈和薑成醢調桂  
作羹臣弗嗜也不識其味但識其形遂賦  
之曰

爾其在蟲稱介居海名錯族何林林種何



若若長短類裁廣狹類削翕如歛房張如  
吐萼碧表素裡霜膚綽約豈韞玉而光輝  
罕含珠之的爍化蜃非由乎文雉爲蛤不  
關乎黃雀諒靡益於鼎俎僅少資於杯酌  
爾靈蠕動爾質么瘠不游不躍奚網奚羅  
玉饌損不爲之少雕盤增不爲之多方魚  
膾而無餘比雞肋其幾何胡不投諸深淵  
俾涵育于鴻波主人首肯客乃爲歌歌曰  
匪蚌匪蜆兮腹便便匪蚶匪蠣兮形纖纖  
以爲有情兮胡木僵以爲無情兮胡蜿蜒  
翠釜烹兮不勝於染指鸞刀剖兮罔禪於  
割鮮羗曲全其軀命祝君子之萬年

騰蛟閣記

地名延令邑號泰輿野屬維揚星分牛女  
江北彈丸之境淮南甌脫之郊苦竹黃蘆  
天寒而鴻鴈交集高原平楚日夕而牛羊



下來魚鹽之盜爭馳萑苻之警不絕屈詞  
人之驥足掩才子于牛刀下榻有仲舉之  
風投轄本孟公之胃漁陽起兩岐之頌士  
元非百里之才增竈而蒞朝歌買牛而化  
渤海推埋屏迹驅暮雨之綠林絃誦相聞  
徧春風于白屋雕龍雖云籍籍乘駟尚爾  
寥寥謂此邦無文筆之雄俾多士抱遺珠  
之恨上青烏之吉壤得粉堞之崇基撤廢

檣之榷材創層樓之新棟千夫雜遝奮錡  
如雲萬瓦參差棖題映日官柳亞而羣鳥  
宿女墻列而百雉齊紅橋待司馬之題碧  
沼費右軍之墨巽峰突兀甲觀嵯峨署高  
閣爲騰蛟冀英賢之中鵠聽泮林之鐘鼓  
飛鴉懷我好音望江浦之旌旗長鯨消其  
逆焰迢迢一水下見南山燁燁五星遙臨  
東井兔頰與龍淵並利豹韜共蝨簡偕興



論文則河岳鍾靈說劍則風雲動色走羣  
羗於月下還誇坐嘯之劉琨羅參佐于筵  
前不忝清吟之庾亮維余羈旅何幸憑欄  
彼美大夫空勞授簡縱元龍之高臥挾仲  
宣以來游傲求田問舍之流動懷土思鄉  
之賦落霞孤鶩慚王勃之雄詞芳草晴川  
乏崔生之麗句攬乾坤于百尺記歲月于  
千秋誰知我輩之登臨便作他年之勝事

何許卿詩序

九莖出於枯壤特苗秀乎阪田豈惟在地  
爲然人亦有之蓋余讀許卿詩而歎篠蕩  
之材非會稽必產瓊琳之寶非昆岡獨擅  
矣昔揚州以跨鶴誇雄唐昌以看花表異  
淮南故文物名都也海陵乃其附庸延令  
抑惟甌脫邑渺渺兮彈丸江濺濺乎衣帶  
者耶不意何郎挺生此土一斛之水藏蛟



龍而氣靈數仞之丘栖賢碩而名顯洵美  
許卿非蛟龍與賢碩哉夫其書富三篋才  
盈八斗亭亭孤映皎皎絕羣孌如春柳縈  
烟艷如芙蓉出水爛若山雞吐綬巧若水  
蚕抽繭斯不在星爲珠儷月成璧耶君方  
脩青雲之業名滿公車異時矯首天路振  
羽赤霄入銅龍登白虎把袂子雲拍肩曼  
倩寧徒執牛耳于一方江左雕龍之彥皆  
樂水捧劍而趨矣

重建慶雲寺碑

泰興蓋有慶雲寺云宋駙馬都尉邑人蔡  
夢祥所捨宅也歲久漸圯地半割爲民居  
二三緇流不能具單持梵夾香積幾無烟  
矣全真道人遂來據之欲更如來爲黃老  
易蘭若爲寒陽微平湖陸太宰之力此一  
袈裟地化爲左道妖人之窟矣先是太宰



弟孝廉客於泰興觀茲寺之淪沒也歸語  
太宰貽書故令呂君炯高君桂段君尚繡  
先後謀復之而皆不竟其後最後上虞陳  
侯繼疇以量移至修廢舉墜政教聿興諸  
檀越善信言復寺顛末狀侯進而命之曰  
若輩不皆富人長者乎今所用錢刀貨貝  
起家致饒足者果若力乎抑佛力乎是悉  
禪人所云他生作之今生受之者也今但  
用世法治不用佛法治世法治者若不撓  
吾法足矣若欲勉旃他生福田非佛法不  
可此舉若輩有意乎令不若強於是諸檀  
越善信爭踴躍效命財施雲集侯時時勞  
苦之又捐城旦以下贖鍰佐其費自大殿  
山門禪堂香積無不一新緝髮金身之容  
石筵香案之供皆種種妝嚴殫財畢智無  
不流丹曜日聳碧干霄者矣又建二樓於



殿旁左鐘右鼓以警晨昏分緇流之復集者爲四院以栖之秣陵安隱菴僧洪祇泐部牒來領其衆居第一院爲住持授以膏腴五十畝作常住永業籍其入以供祝釐請禱焚修之事與星軺使者之游觀墨卿詞客之流憩山瓢野衲杭葦渡杯之掛搭者咸取給於此不以及諸僧其三院比丘但經行禪誦修淨業禮六時無使蓮花漏

水竭耳夫慶雲爲茲邑名蓋由蔡都尉捨宅以來迄今遡宋咸平幾五百載中間興廢廢興不知凡幾其廢也以數左道覆之如建瓴其興也以諸宰官復之如走坂茲故錄法輪之流滯慧燈之斷續使然然陳侯牛刀餘刃不亦恢恢矣哉侯又復興廣福寺也廣福創自唐世其大倍慶雲乃其殿堂門廡尚有存者功不若慶雲鉅耳侯



之意蓋謂泰興巖邑三走江一走陸以探  
丸煮海爲業其民悍者鯨鯢囂者鼠雀未  
可盡以惠文法治也乃取震旦聖人法道  
其君子竺乾聖人法道其小人將俾禪律  
佐三尺般若佐詩書忍辱波羅佐慶賞刑  
威堯率阿鼻佐朱門請室區區彈丸之壤  
不歸絃歌則歸梵唄譬諸大乘之教有圓  
通而無聖礙走盤破竹之鋒可謂舉世少  
雙矣其他新泮宮興射圃建敵臺巖斥埃  
除戎器實倉庾增埤濬濠鬱爲淮南保障  
皆不載以俟傳循吏者檀越若而人勒其  
名於碑陰銘曰

江介名藍椒房捨宅遡自前朝燈微教熄  
龍象崩摧狐鼠交迹何彼左道黔首易溺  
爲姦爲妖羣魔充斥薰穢法界觸汚香積  
太宰聞之中夜拊床云胡世尊值此犬羊



告爾有位作法金湯遷其室廬毀其樊墻  
翦荆薙榛復我津梁或來取土寶地騰光  
衆檀稽首聞於縣令道傍築舍三載未竟  
繫陳宰官曰余匪佞西方聖人明心見性  
狠心爾除鳥性爾定斧斤是虔畚鍤是競  
勿亟子來不戒襁至錢刀如山布粟委地  
雕梁璫架碧瓦鱗比龍藏金鋪鳳堂寶砌  
像現毫光林浮瑞氣咸發願力匪微善利  
金粉覆地丹翠燭天侯曰汝衆爲德勉旃  
修佛補寺二梵福田齊超智果並證妙蓮  
皇圖永固法寶長堅祝釐虎拜  
天子萬年

泰興縣重修廣福寺募緣疏

廣福之古刹千年碧殿朱甍皆半圯泰興  
之居人萬井銅山金埒豈全無改額自宋  
隆興修造在明洪武分爲十院大集羣緇



落葉暗山門。金粉消來存土木。寒簾蓋屋  
瓦。丹青剝盡委泥沙。院院壞而不修。人人  
見之太息。慈顏慘淡白毫。不照五須彌。法  
相凋零。紺目難空。四大海。觀世音千手千  
眼。青蚨錢不肯飛來。阿羅漢無鉢無衣。白  
馬寺安能建就。茲欲藉豐年之多入。庶可  
募檀越之餘財。但得破慳囊。誰是家貧誰  
是富。共教成勝果。不嫌施少不嫌多。陳大

令現宰官身。先要捐將養廉俸。王居士修  
頭陀行也。拚助與賣文錢。偈曰  
十院闌  
叅十院燈。燈殘院破似無僧。  
檀那不  
惜黃金布。僧續燈傳院復興。

慶雲寺月菴上人誦華嚴經乞米飯  
僧疏

不讀華嚴經。安知佛富貴。不齋海會衆。安  
知僧聖賢。後佛必須諷經飯。僧當先



慶雲寺雲生竈下炊雲豈可爲糧。月菴僧  
月滿鉢中煮月那堪作飯。無米不能成飯  
無飯不可齋僧。故先誦方廣之靈文報答  
大千檀越。然後建無遮之勝會。供養一切  
比丘碧玉階黃金地。佛身中受用。後世福  
皆前世修青菰米紫芋羹僧面上良緣。今  
生因是他生果。乞君餘粟餘粟充我一粥。  
一餐龍藏裏五色雲生。字字潮音從舌起。

廬堂上一聲鐘罷。人人枵腹把瓢來。

夢偈

夢游招提其名廣。福與陳宰官面佛而立。  
有一猛獸非熊非羆非虎。兕豹奮爪振鬣。  
撲宰官身佛手指端放白毫光如十匹練。  
而籠此獸獸卽滅已驚怖而覺若云是夢。  
夢卽非夢若云非夢卽非非夢非非夢者。  
於意云何卽夢卽心卽心卽佛佛殺闡提。



而護正法何云闡提卽此獸是我今說偈  
勸諸善信悉心奉佛佛黃金像寶殿山門  
及後狻座香花燭等種種救嚴是名福田  
功德無量普願檀那慎勿吝悞

馬季聲像贊

爾懷貞而韞奇謂良也宜而胡不白爾眉  
爾英襟而偉量謂融奚讓而胡不絳爾帳  
采樵負薪優孟莫知叔敖後人布衣葛屨

亭長莫識田禾公子房星墮地天駟行空  
千里惟驥十尺爲龍余旣執鞭於車下而  
焉用索駿乎圖中是乎非耶君其問諸畫

工







Vertical text on the right side of the page, likely bleed-through from the reverse side. The text is faint and appears to be in Chinese characters, arranged in a column.



